



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

De illo Christi dicto, Tu es Petrus &c. Mat. 16. tit. 286

urn:nbn:de:hbz:466:1-29452

felicitet trabem odij non videmus, sicut Christus inquit Matth. 7. primo, Quid vides festucam in oculo fratris tui, & grabem &c?

Tertiò, Augustinus vult, vt vnusquisque deponat ex corde suo discordiam: & si non erubuisti peccare, noli etiam erubescere rogare veniam. Si cõcedit inimicus, amborum animas liberãsti: sin autem, tu animam tuam liberãsti, & Christi præceptum implesti. Matt quinto: Vade reconciliari fratri tuo. Subindè dic: Domine, vindica me, occide inimicum meũ, non puto hominẽ, sed inimicum i. iram, odium, superbiam, luxuriã, auaritiã, hæresim, discordiam, &c. sic occide inimicum, vt salues fratrem: occidas inimicitias, salua naturam: Sic ora, vt vindicet te Deus, id est, peccatum auferendo, pereat peccatum, quod te persequitur, sed maneat frater. Sic inquit Propheta Psalm. 12. Illumina oculos meos, ne vnquã obdormiam in morte, ne quandò dicat inimicus meus, Preualui aduersus eum. Non homo te persequitur, sed satanas est, qui te per hominem, & diuersis alijs modis querit prosternere ideo orandum est, Matt. 6. ne inducamur in rãtationem. Sic omnem hæresim cupimus occidi, vt saltem homines saluentur.

DE ILLO CHRISTI DICTO,

Tu es Petrus &c. Matth. 16.

TITVLVS CCLXXXVI.

PIDE S catholica est, quòd Petrus, id est Papa est constitutus supra terrã in Ecclesia à Christo tanquã caput conseruanda: vnitatis in fide, & ad hanc legitimo ordine tuendam. Est enim Christus caput fidei nostrã, in quod credimus, 1. Corint. tertio, Fundamentum aliud &c. At potestas non est caput fidei, sed vnitatis, vt omnia quietè & ordine Romanor. decimotertio fiant, & pax conseruetur. Non

Non regitur multitudo sine capite & rege. habent enim grues & formicæ suum regem, &cæt. Vt ergo potestas sæcularis iure diuino defert gladium, Romanorum 13. sic iure diuino habet primatum Papa regendi & pascendi oues Christi, Ioann. 20. In rebus ergo dubijs circa scripturam, religionem, &cæt. audiendus est Papa, id est, Concilium. Ergo qui illi resistit, Dei ordinationi resistit. Habet quoque potestatem, nedùm culpæ soluendæ, verùm etiam pœnæ pro peccatis debitæ, &c. & sic in potestate & virtute Christi, non propriæ dignitatis.

Secundò, propter hanc confessionem & primatum Papæ, exortæ sunt variæ hæreses & persecutiones. Nam non aliundè pullulârunt hæreses in Ecclesia ab initio, nisi ex contemptu Pontificis, & ideo sathan, dùm ordinem & pacem, ac fidem Ecclesiæ vult perturbare, à capite incipit, vt testatur Cyprianus, & ex hoc primò natum est catholicum & sectarium nomē, vt qui obediebant Ecclesiæ & Papæ, hi dicti sint catholici: contemptores autē, hæretici aut schismatici. Ob id SS. patres & etiam Constantinus admonuerunt, nobis in precio esse debere catholicum nomen, quòd comprehendit Ecclesiam per totum mundum diffusam, non in angulo latentem. Subindè ex hoc venit excommunicatio Papæ, & bannum Imperatoris post vnâ & alteram admonitionem, Ti. 13. & exindè surrexit magnum odium & persecutio hæreticorum. Dicitur ab illis Papa Antichristus, Cæsar canis sitiens sanguinem: sic nobis imponitur, quasi adoramus Papam, quem aliqui etiam hæreticorum vocabant pestem maximam, Ecclesiæ summum pompificem, summū pulpificem. Summa, nullus hæreticorum vnquàm obedire voluit Papæ, & omnes suos sectarios etiã iuramento adstringunt, ne obediât Papæ, eiusve decretis. Simile planè habetur de Nouato, vt scribit Euseb. libr. sexto, cap. 34. Ecclesiast. historix

de his, quibus dabatur ad manum Eucharistia, vt renunciantur Papæ. Sic hodiè iurant sectarij cum à Superintendentibus suis ordinantur, se nunquam Papæ obedire velle nec suis decretis.

Tertiò, omnes sectæ violant hunc articulum fidei, Credo vnam Ecclesiam. Si hanc crederent vnitatem Ecclesiæ, non se secarent à capitum obedientia, Papæ & Cæsaris: non se separarent à communione sanctorum, qui omnes vnanimiter crediderunt, & permanserunt in illa vnitatem & obediētia, quam Christus instituit, Matth. 16. Tu es Petrus. At non curant sectæ sanctorum libros, doctrinam, communionem, &c. Respondeo, non mirum, quia extra vnitatem corporis mystici sunt, 1. Cor. 12. correpti sunt & admoniti fraternè, vt redeant ad vnitatem Ecclesiæ: sed quoniam nolunt, i deo denūciatum est Ecclesiæ Catholice per totum orbem de eis per Papam & Imperatorem, quæ sunt capita Ecclesiæ ministerialia & à Deo ordinata, & suas bullas emisserunt. Ideò à nobis tanquam ethnici habendi sunt, Mat. 18. Vt igitur non curas ethnici & Iudæi fidem, &c. sic nec illorum: ergo persecutionem, quam patimur, id est, propter hanc capitum obedientiam, propter Christi ordinationem patimur Rom. 13. Matth. 16.

RECEDENTIVM A FIDE PETRI & Romana Ecclesia obedientia, dāna.
TITVLVS CCLXXXVII.

Primò, Apostolus Paulus dicit, quòd in nouissimis diebus discedent homines à fide, 1. Timo. 4. scilicet catholica, attendētes spiritibus erroris, id est, audiēt spiritus docētes errores, i. eos qui iā olim dānati sunt, renouātes, sicut Taciani heretici prohibentes omninò nubere, quasi matrimonium sit peccatum, & cibos aliquos fugiūt, sicut Iudæi, &c. & Petrus